

Headline	16 bakat jalani latihan di Man. United Soccer School		
MediaTitle	Utusan Malaysia		
Date	08 Apr 2014	Color	Full Color
Section	Sukan	Circulation	173,387
Page No	30	Readership	699,000
Language	Malay	ArticleSize	272 cm ²
Journalist	N/A	AdValue	RM 5,425
Frequency	Daily	PR Value	RM 16,275



16 bakat jalani latihan di Man. United Soccer School

PETALING JAYA - Seramai 16 pemain muda berbakat bakal menimba ilmu dengan memulakan latihan di Manchester United Soccer School (MUSS), Old Trafford dari 2 hingga 11 Mei ini.

Kesemua pemain tersebut adalah mereka yang telah dipilih daripada 180 pemain yang mewakili 10 pasukan pada Grand Final Kejohanan Bola Sepak Piala Mamee 1Malaysia Bawah-19, baru-baru ini.

Ketua Pegawai Eksekutif Yayasan Rakyat 1Malaysia (YR1M), Ung Su Ling berkata, semua pemain akan menjalani latihan selama lima hari di MUSS, selain berpeluang untuk melawat Old Trafford, gelanggang keramat gergasi Liga Perdana Ingggeris, Manchester United.

"Kejohanan Bolasepak Piala Mamee 1Malaysia telah mengaplikasikan entiti slogannya iaitu

"Bukan Sekadar Piala".

"Kami sangat bersyukur kami berjaya mencapai sasaran kami untuk menyatukan anak Malaysia yang berbakat menerusi minat yang sama.

"Program ini telah berada di tahap dimana kami berharap dapat memberikan harapan kepada ahli Pasukan Bolasepak 1Malaysia 2014 agar mereka dapat mencapai impian mereka," menurut Su Ling.

Bagi memenuhi kriteria bola sepak masa kini, pemain bakal dilatih berfokuskan aspek teknikal, taktikal serta fizikal dan mereka akan didedahkan dengan ajaran persediaan mental dan penyesuaian diri yang diperlukan bagi mencipta sebuah pasukan baru yang mantap.

Selain menjalani sesi latihan intensif di MUSS, Pasukan Bolasepak

1Malaysia 2014 juga dapat menambah ilmu pengetahuan tentang sejarah dan evolusi bola sepak.

Mereka berpeluang melawat stadium Old Trafford dan melihat bandar England yang kaya dengan sejarah bolasepaknya di National Football Museum Manchester selama 11 hari berada di England.

SENARAI 16 PELATIH: Alias Helmi Ibrahim, Alif Afham Mustakim Abdul Hisham, Datu Mohd. Armin Datu Muhammad, G. Durkeswaran, G. Kalaselvaan, S. Kannan, L. Kesavan, Muhammad Alif Asyraf Muliadi, Muhammad Ashar Al-Aafiz Abdullah, Muhammad Azeem Azhar Uitm Perlis, Muhammad Kamil Ismail, Muhammad Nursyazwan Zaihan, Muhammad Yusuf Akma Mohd. Nawi, Nazarudin Bohri, Rahman Shah Marajeh, Zulhafiz Abdul Mahal.



SEBAHAGIAN pemain muda menjalani latihan di ibu negara baru-baru ini sebelum berangkat ke Manchester bulan depan untuk berlatih di Manchester United Soccer School (MUSS), Old Trafford.